

CROLES D'ÔR ÈT LÈS TRWÈS ÔURSES

C'è-st-one istwère qui m' mârîne di batême mi raconteûve todi quand dj'èsteûve pitite.

Croles d'ôr èsteûve one pitite crapôte avou dès crolés et dorés tch'vias.

Ele dimèreûve avou s' moman dins one bèle pitite maujone à l'orêre do bwès.

Si moman lî aveûve di « N'aloz jamais tote seûle au bwès ».

On djoû, come èle sè pormwinrèneûve au chinon do bwès, èlle aparçut one bleuwe jacinte èt èle avançeûve trwès pas dins l' bwès po l' coude. One miète pus lon, èle fieûve co trwès pas z-è coude one blanke. Po awè on gros bouquet, èle porsuveûve li vôle.

Mins quand èle a v'lu moussî foû do bwès po rentrer, totes lès chavéyes sè r'chonîn'.

Elle a roté bin longtimps. Al fin, bin naujîye, bin pèneûse, èle s'aleûve mète à braîre quand tot d'on côp, èlle a rimâqué one bin bèle maujone.

Tote binauje, Croles d'ôr riprind coradje èt couru do costé dèl maujone. Croles d'ôr a r'waîti pa l' fènièsse dimeûréye au laudje. Elle a vèyu trwès tauves : one grande, one inte lès deûs, one pitite. Trwès tchèyères, trwès jates di sope. Ça sinteûve bon, èlle a rintré.

Elle a v'lu s'achîre su l' grande tchèyère mins èlle esteûve trop ôte. Cène do mitan esteûve trop deure. Li tote pitite tchèyère esteûve tot jusse.

Elle a sayî l' sope dèl grande jate mins èlle esteûve trop tchôte. Li cène do mitan, trop saléye, li cène dèl pitite jate esteûve jusse çu qu'i faut. Ele l'a bèvu jusqu'à l' dèrène gote.

Dins l' tchambe à côutchi, i-gn-aveûve trwès létés : on grand, on inte lès deûs èt on tot p'tit lét. Elle a assayî li grand mins il esteûve trop ôt, cu do mitan trop deur. Enfin èlle a gripé dins li tot p'tit lét qu'èsteûve tot bon. Croles d'ôr s'a côutchî èt s'a édwarmu.

Lès djins qui d' mèrin' dins l' maujone ont rintré di leu pormwinrnåde, il avin.n' fwârt fwim.

C'èsteûve trwès ôurses : one grande, one inte lès deûs èt one tote pitite.

Li grande ôurs' a bwêrlé : « one saquî a djondu m' tchèyère »

Li cène do mitan : « one saquî a boudjî à m' tchèyère »

Et li tote pitite ôurs' : « one saquî s'a' achît su m' tchèyère »

Li grande ôurs' a bwêrlé : « one saquî a r'waîti m' jate di sope »

Li cène do mitan : « one saquî a gosté à m' jate di sope »

Li tote pitite ôurs' : « one saqui a bèvu tote m' jate di sope »

Fwart arèdjîyes, èlle ont cachî après pa tos costés.

Dins l' tchambe, li grande ôurse a bwêrlé : « one saquî a djondu m' lét »

L'ôurse do mitan : « one saquî a monté su m' lét »

Li tote pitite ôurs' : Vèyoz one pitite fèye dwâme dins m' pitit lét. En ètindant dès criyadjes, Croles d'ôr s'a dispièrté èt vèyu lès trwès-ôurs'.

Elle a zouplé foû do lét, zoupler pa l' fènièsse èt èlle a pèté èvôle. Lès trwès ôurs' qui n'estin' nin mèchantes nè l'ont nin v'lu ratraper.

Li grande ôurse a bwêrlé : « Volà ç' qu'il avind quand on n' choûte nin s' moman »

Li cène do mitan : « Vos-avoz rovi vos jacintes »

Et li tote pitit ôurs' : « Purdoz à drwète li tote pitite chavèye po moussî foû do bwès. »

Elle a r' trouvé bin rade si maujone èt a tûzé :

Çi p'tite ôurs'-là esteûve bin amich'tauve èt portant dj'a bèvu tote sè sope.

Marie-Jeanne Debleumortier